

سنة لکی در سعادت ایچون مجیده
بکرمی غروش حسابیه التمش
غروشدر

طشره ایچون پوسته اجرئی اوله رق
اون بش غروش ضم اولنور

نسخه سی ۴۰ پاره در

تذکره محاکمه عدلیه

آبونه اولوق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه متعلقدر

اخطار مخصوص

مهریه محاکم عدلیه امنیاری اولدوق آبونه اولوق
آزدرسنده بولنامه ذراتک اول امده مذکور غزنه نك
بر سنه لك بدلی نقداً عدلیه نظارت جلیله سی دائره سنه
مهریه محاکم عدلیه اداره سنه تسلیم ارسال ایللملری لازم
کله هکی اخطار اولنور .

تَبْلِیغات

مظنون علیه اسناد اولنان جرمدن برائی تحق
ایتدیکی حالده مدعی شخصیدن مصارف محاکمه وساد
رهنك تحصيل لازم کلوب کلبه جکی حقنده اشقودره
استیناف محکمه سی مدعی عمومیلکندن وقوعولان
اشعار اوزرینه امور جزائیه مدیریتندن یازیلان
درکنارده هر تقدیر آثار جرمك مشهود اولدینی
حالده اشخاص مظنونه دن صدورینه دائر دلائل
وامارات استحصال اولنه مامسندن ویا جرمك مظنوندن
صدوری تعین وتحقق ایتماسندن ویا جرم تشكيل
ایدن احوالك فقدانندن ناشی منع محاکمه ویا برائت
ویا خود عدم مسئولیت قرارلری ویرلیدی صورتده مدعی
شخصیلرک خرج و مصارف محاکمه ایله محکومتلری
موافق قانون اولیوب آنجق آثار جرم مشهود دکل
ایکن مجرد بر غرض وخصومه مبنی اسناداتده بولنان
مدعی شخصیلرک مصارف مذکورده نی تحمل ایده .
جکلمری مطالعة در میان قلمش ایسه ده منع محاکمه سنه
ویا خود برائتنه قرار ویریلان مظنون حقنده جریان
ایدن تعقیبات وتحقیقات و محاکمه مصارفک علی الاطلاق
مدعی شخصی به عائدیتی برکونه قیود وتقدير ایله مقید
اولیوب آنجق مدعی شخصینک صفت قانونیه نی
اکتساب ایلسی ایچون اصول محاکمات جزائیه قانوننک
آتمش ایکنجی ماده سنده کوسترلیدی وجهله عرفحال
ویرمش اولمسیله مشروط بولمنسه نظراً مظنون علیهک
کرک آثار جرم مشهود وکرک غیر مشهود اولسون
منع محاکمه وعدم مسئولیتنه ویا برائتنه قرار ویرلیدی
حالده با عرفحال حق شخصی طلبنده بولنان مدعی

شخصی مصارف محاکمه اعطاسنه مجبور بولنه جغه
انجمن عدلیه جه قرار ویرلمش واولوجهله ایضای
معامله اولنسی لزومی مذکور مدعی عمومیلکه تبلیغ
اولنمشدر .

دیوریکی قضاسی قائم مقاملغه خطاباً راشد نام
کمنه طرفندن اعطا اولنان عرفخاله مستعمل پول
المصاق ایدلمسندن طولانی محالجه حقنده تحقیقات
اجراسنه ابتدار اولنمش ایسه ده بومثللو پوللرک
در سعادت تمغا اداره سنجه آلت مخصوصه واسطه سیله
بالمعاینه ساخته لکی تبین ایتدیکه متجاسری حقنده
اقامة دعوی اولنماسی دیون عمومیه اداره سنک ۱۶
تموز سنه ۳۱۴ تاریخلی تخریراتنده ازبار قلندیفی
بیانیله مذکور عرفخالک لاجل المعاینه تودیبی لزومی
سیواس دیون عمومیه نظارتنک تذکره سنده اشعار
قلنمش ودعاوی جزائیه به متعلق اوراقلک موقع معا
مله دن آله رق مرجعنک غیری به تودیبی قانوناً غیر
جائز بولنمش اولدیغندن بحالده استفسار معامله به دائر
سیواس استیناف محکمه سی مدعی عمومیلکندن وقوع
بولان اشعاره . دیون عمومیه اداره سنجه آلت مخصوصه
واسطه سیله معاینه سنه لزوم کوستریلان پول ساخته لکی
ادعا اولنان پوللر اولوب موضوع بحث ایدیلان پول
ایسه مستعمل اولمغه محلی دیون عمومیه اداره سنک
طلب مشروحي دائره سننده تمغا اداره سنجه اساساً
معاینه سی اقتضا ایدن قسمدن اولمدیغنی کبی اولسه بیله
بر پولک مستعمل اولوب اولمدیغنک تدقیق و معاینه سی
محکمه نك قرارینه وابسته اوله رق انتخاب وتعیین ایدیله .
جک بیغرض ارباب وقوف واختصاص معرفتیه اجرا
اولنق لازم کله جکندن دائره عائدده سنجه تدقیق اولنان
مذکور عرفخالک لاجل المعاینه مرجعنک غیری به
تودیبی جائز اولمدیغنی انجمن عدلیه افاده سیله مذکور
مدعی عمومیلکه جواباً تبلیغ اولنمشدر .

اولنان یوم محاکمه ده محکمه به کلاملرندن ناشی اعتراض
واقعک کان لم یکن حکمنده طولنسی حقنده ویریلان
قرارلرک اعلانات غایبه مثللو ایکنجی دفعه اوله رق
معتضله تبلیغ اوله جغه دائر صراحت قانونیه
اولمدیغندن بحالده مقررات مذکورده نك معتضله تبلیغی
لازمکلوب کلبه جکی ومدت استیناف وتیمیزک قرار
تاریخنندن یی یوخسه تبلیغ تاریخندن یی اعتبار ایدیله جکی
حقنده آنقره استیناف محکمه سی مدعی عمومیلکندن
وقوعولان اشعاره . اصول محاکمات جزائیه قانوننک
یوز یتش ایکنجی ماده سی موجبجه حکم غیابی به
اعتراض ایدن محکوم علیه دعوت واقعیه اجابت ایتز
ایسه اولبابده کی اعتراضی کان لم یکن عد اوله رق
حکم مذکور علینده بردها اعتراض جائز اوله ماز
ایسه ده اشبو قرار معتضک غایبده اتخاذ قلنه جغه
کوره تبلیغی مقتضی وعلینده وقوعوله جق استیناف
وتیمیز دعوالرینه تاریخ تبلیغک مبدأ عد ایدلسی
بدیهی اولدینی جوابی انجمن عدلیه افاده سیله مذکور
مدعی عمومیلکه تبلیغ قلنمشدر .

محاکمات مقدماتی

تصرفک اصولاً اثبات ایتدیرلماسی وحقوق
عقد عاقد راجع ایکن حقوق عقددن اولان
بدل ایجار دعواسنده خصومتک اصل عاقد
توجیه ایدلیه رک دیکرینه توجیه ایدلیکنه
دائر اقامه اولنان دعوانک قبول وحکم اولنسی
نقض حکمی مستلزم بولندیغنی حقنده محکمه
تیمیز حقوق دائره سنندن اعطا قلنان ۲۶ حزیران
سنه ۳۱۷ تاریخلی اعلامدر :

قره حصار شرقی قصبه سنک قیادی قریه سنده
مقیم قره کوز اوغلی قسطنی ایله قیادی مناسرتینک
غومینوسی ایلیا افندی بیتنده متحدث دعوايه دائر

جزای حاوی حکم غیابی اعلاناتک محکوم علیه لره
تبلیغی اوزرینه آنل طرفندن اعتراض اولنوبده تعین

قره حصار شرقی سنجائی بدایت محکمه‌سی حقوق قسمندن ۵ تشرین اول سنه ۳۱۶ تاریخی و اتوزابکی عددی ایله ویریلان اسلام مرقوم قسطنی طرفندن تمیز ایدلمکله باش مدعی محمود مملک مأموریت بهیه سنک مطالعه نامه‌سی آلدقدن سکره اعلام مذکور طرفینک اعتراض و جواب لایحه لایله بالمطالعه تدقیقات تمیز به اجرا سنه ابتدار اولندی .

اعلام مذکورک خلاصه مائی مرقوم ایلیا افندی مذکور مناسره عائد معلوم الحدود اون اوج قطعه ترلانک سنه لکنی در در یوز التشر غروشه مرقوم قسطنی به ایکی سنه مدته ایجار ایدرک بدل ایجار اولان طقوز یوز یکریمی غروشی مرقوم ویرمکدن امتناع ایدلمکدن تحصیانی طلب ودعوی وبر قطعه ایجار مقاوله نامه‌سی ابراز واعطا ایتسنه قارشو مدعی علیه مرقوم قسطنی دخی مذکور اراضی کندوسنه جسدندن انتقال ایدرک زراعت ایدلمکدن و میرز مقاوله نامه ده موضوع رفق اشارتی کندوسنک اولمدینی کبی مقاوله نامه دخی بنا یوط نام کسنه نامه اوله رق تنظیم ایدلمکدن مدافعه بیان و انبا ایلیسی اوزرینه جریان ایدن محاکمه نتیجه سنده مرقوم قسطنینک مذکور اراضی به واقع اولان تصرف ادعا سنک ردینه دأر صادر اولان اعلام محکمه تمیزجه نقض واعاده ایدلمسی اوزرینه محکمه مذکورجه اولاً بر درجه به قدر وجاهتها که اجرا اولندقدن سکره تعیین اولنان کونده مدعی علیه مرقوم قسطنینک کلامسی اوزرینه وکیل مسخر تعیین ایله اخیراً جریان ایدن محاکمه و تدقیقات غایبه نتیجه سنده مدعی علیه مرقوم قسطنینک مناسره عائد مدعا به اراضیدن بر قسمنی سنوی در در یوز غروشی بدل ایجاره استیجار ایدوب اولباده کی سند زیرینه رفق باصدینی و التشر غروشه دخی دیگر بر ترلا استیجار ایدلمکدن لدی التزکيه مقبول الشهاده اولدقلری تین ایدن شهودک شهادتیه ثابت اولدیفندن مجله نك بیک سکر یوز اون سکر نیچی ماده‌سی موجبجه مبلغ مدعا به اولان طقوز یوز یکریمی غروشک مدعی علیه مرقومدن تحصیانه حکمدن و مستدعی تمیز قسطنینک اشبو حکم علینده کی لایحه سنده محرر باشلوچه اعتراضی دخی دعوی واقعه بدل ایجاره عائد اولدینی حالد احکام مجله به مغایر اوله رق حکم ایدلمسی وادعا اولنان اراضینک حدودی اولبایده اقامه ایدیلان شهود تعیین ایتدیرلامسی مغایر قانون اولدیفندن مجله اعلامک تقضی و لایحه جوابیه مؤداسی اعتراضات واقعه نك واهی اولدینی بیسانیه ردی و آلف الیسان مطالعه نامه مائی در میان اولنان اعتراضاتک غیر وارد ایدوکی بیاندندن عبارت بولمشددر .

امرده مناسره مر بوطیتی قیود خاقانی ایله اثبات ایتدیرلکدن سکره میرز مقاوله نامه موجبجه مذکور اراضی بنا یوط نام شخصه ایجار ایدلش اولمسنه و حقوق عقدک عاقد راجع اولمی احکام مجله اقتضاسندن بولمسنه نظراً حقوق عقددن اولان بدل ایجار دعواسنده مدعی به قارشو مرقوم بنا یوط خصم اولوب مدعی علیه قسطنی به خصوصت توجه ایتیه جکندن محکمه مذکورجه قسطنی علیه اقامه ایدیلان بدل ایجار دعواسنک قبول و حکم ایدلمسی مغایر قانون اولدیفندن اصول محاکمه حقوقیه قانوننک ایکی یوز اتوز ایکنچی ماده‌سی موجبجه اعلام مذکورک قضیه قانون مزبورک ایکی یوز قرق درد نیچی ماده‌سی حکمه توفیقاً کیفیتک بارقیه اعلامه ربطی ضمنده محکمه مذکوریه اعاده سنه و زبرده مفرداتی مرقم اوچوز اون بر یحق غروش مصارف تمیزیه نك ایلروده حقمز جقه جق طرفه عائد اولمی اوزره اول امرده مدعی علیه مرقوم قسطنینک اخذ سنه ۲۶ حزیران سنه ۳۱۷ تاریخده متفقاً قرار ویرلدی .

تیکوش قضاسنک رسومات قریه‌سی اهالیسندن حسن بن یوسفک کیفیت قتلندن دولای جنایتله متهم اولان قریه مذکورکی موسی بن محمدک اون بش سنه مدته کورکه قولمسنه دأر سالنیک ولایتی استیناف محکمه‌سی جزا دأر سنسندن اعطا قلنان قرق بش نومرولی اعلامک تصدیقه

حلب ولایتک تراب الغربا محله‌سی اهالیسندن جورجی بن بولس شمودینک کیفیت قتلندن دولای جنایتله اتهام اولنان جورجی بن الیاسک اون بش سنه مدته کورکه قولمسنه دأر ولایت مذکور استیناف محکمه‌سی جزا دأر سنسندن ویریلان بش یوزدردت نومرولی اعلامک تصدیقه

ازمیرده امام اوغلی خاندنه مقیم قهوه‌چی میخائل ولد دیمترینک ماده قتلندن دولای جنایتله اتهام اولنان کوز تیه تراموای قومانیه سنده مستخدم موشلی واخلان ولد مغردیچک اون بش سنه مدته کورکه قولمسنه دأر ولایت مذکور استیناف محکمه‌سی جزا دأر سنسندن اعطا قلنان الی ایکی نومرولی اعلامک تصدیقه

ذبله قضاسنک ایچ قریه سنسندن جود اوغلی مصطفانک خانه‌سی دیواری دله رک اشیا سنی سرقت ایدلمکدن ادعا قلنمسنندن دولای جنایتله اتهام اولنان حسین بن حسین بیک درت یحق سنه مدته کورکه قولمسی حقنده توقاد سنجائی بدایت محکمه‌سی جزا

دأر سنسندن ویریلان قرق اوج نومرولی اعلامک تصدیقه

بودیک قریه‌سی اهالیسندن لاحچان بانطونی قتل قصدیه جرح ایتسندن دولای متهم اولان قریه مذکورکی ملوش ولد غوریلونک اوج سنه مدته کورکه قولمسنه دأر طاشلیجه سنجائی بدایت محکمه‌سی جزا دأر سنسندن ویریلان یوز التشر سکر نومرولی اعلامک تصدیقه

قره خلیل اوغلی محمدک ضرباً وفاتسنه سبیت ویردیک ادعا قلنمسنندن دولای جنایتله متهم اولان باغچه قضاسنک طپوزلی قریه سنسندن حسنک بش سنه مدته کورکه قولمسنه دأر جبل رکت سنجائی بدایت محکمه‌سی جزا دأر سنسندن اعطا قلنان یوز الی بدی نومرولی اعلامک تصدیقه

ضبطیه امین ایله یوسفک قتل وکس تران قریه‌سی اهالیسنک حیواناتنک غصبی ماده لرندن دولای جنایتله متهم اولان جاف عشاریرندن میک بن چراغک اون بش سنه مدته کورکه قولمسنه دأر سلیمانیه سنجائی بدایت محکمه‌سی جزا دأر سنسندن ایکنچی دفعه اوله رق ویریلان قرق ایکی نومرولی اعلامک تصدیقه

آغچه حصار قضاسنک قازقه قریه سنسندن سلیمان بن محمدک کیفیت قتلندن طولای جنایتله متهم بولنان قریه مذکورکی اسلام بن رضانک اون بش سنه مدته کورکه قولمسنه دأر اشقودره ولایتی استیناف محکمه‌سی جزا دأر سنسندن ویریلان ایکی نومرولی اعلامک تصدیقه

قالسوار قریه یلی بیاض رچی جرح و قتل ایتسندن طولای جنایتله اتهام اولنان کرد سلیمان اوغلی طور بابانک اون بش سنه مدته کورکه قولمسنه دأر ارضوم ولایتی استیناف محکمه‌سی جزا دأر سنسندن ویریلان یوز الی بش نومرولی اعلامک تصدیقه قاقچی یاقونک کیفیت قتلندن طولای جنایتله اتهام اولنان ایوانلی قریه سنسندن دانی قوچو ولد اندونک اون بش سنه مدته کورکه قولمسنه دأر سالنیک ولایتی استیناف محکمه‌سی جزا دأر سنسندن اعطا قلنان اوچوز الی درت نومرولی اعلامک تصدیقه

جانباز کیغورق سرکر و آغوبک انشای راهده اوکلرینه جقه رق جیر و شدت اجرا سیله آچقملرینی اخذ و غصب ایتلرندن طولای جنایتله متهم بولنان چوپور عثمان بن آدی یمان محمد ورفیق کل علینک بشیر سنه مدته کورکه قولمسنه دأر اطنه ولایتی استیناف محکمه‌سی جزا دأر سنسندن ایکنچی دفعه اوله رق ویریلان اعلامک تصدیقه

جسر ارکنه قضاسنه تابع قوای قریه‌سی اهالیسندن نیقولاکي ولد دیمترینک جرح و قتل اولمسی ادعا

سندن طولای جنایتله اتهام ایدیلان ادرنه لی ایلیا ولد نیقولنک اون بش سنه مدته کورکه قولمسنه دأر ادرنه ولایتی استیناف محکمه‌سی جزا دأر سنسندن ایکنچی دفعه اوله رق ویریلان یوز الی بدی نومرولی اعلامک تصدیقه

کوپرلی قصبه سنک پرچورک محله‌سی اهالیسندن حسینی قتل ایتدیک ادعا اولمسنندن طولای جنایتله اتهام اولنان محله مذکورکی نعلیند رمضان بن مصطفانک اون بش سنه مدته کورکه قولمسنه دأر سالنیک ولایتی استیناف محکمه‌سی جزا دأر سنسندن ویریلان اوچوز التشر نومرولی اعلامک تصدیقه محکمه تمیز جزا دأر سنه جرح قرار ویرلشددر .

بیک اوچوز اون بدی سنه‌سی حزراننک اون ایکنچی صالی کونی طوطخانده بوغازکسانده میخانه دروننده جوانینک قتلندن واشبو قتل فعلندن مقدم عثمانک ضرب بند طولای اتهام اولنان مصطفی چاوشک بالحا که فعل قتل دقتسزک اثری اوله رق ایقاع ایتدیک تین ایتکلر جزا قانوننامه هاپوننک یوز سکسان ایکنچی ماده سنه توفیقاً ضرب فعلی سبب شدت عد اوله رق ایکی سنه مدته حبسنه محکمه جنایچه قرار ویرلشددر .

فاتحده خراجچی محی الدین محله سنده ساکن مناو محمدی ضرب ایدن بلدی چاوشلرندن محمد افندینک اون بش کون حبسنه

نور عثمانیه مستخدم پولیس علی فائق افندی به حقاتر ایدن محلیچی چراغی امین بن مصطفادن بر آلتون جزای نقدی اخذینه

قپان دقیقه زیرک جاده سنده متصرفاً ساکن حسن نصرینک بیمار خانه وکیل خرجی قدری افندینک قاین والده‌سی نکار خانمک یوز اتوز بش وحلمی افندینک آلتش بش غروشی جیل و دسایس اعمالیه طولانیردینی و فعل مذکور کی کندلیسنه صنعت اعتیاد ایدلمکدن تحقیق ایتدیکدن ایکی سنه مدته حبسنه و کندوسندن بش مجیدی آلتونی جزای نقدی اخذینه و طسولانیرمش اولدینی مبلغک دخی بالتحصیل مشکیله اعطاسنه

طوطخانده صالی بازارنده ساکن لازاری ولد باندلی ورفیق غلطده ارقادی زقاغنده پاپاس اوغلی خاندنه ساکن نوشهرلی واسیل ولد ابوستولک قاضی کوبنده اشکمه‌چی مارقونک دکانسنده کی دولابدن چراق پترو و کرباقونک اشیا لرینی سرقت و پترویی ضرب و جرحه جرأت ایدلمکدن ثابت اولدیفندن بولنرندن لازارینک بش و واسیلک اوج آئی حبس لرینه

وختام مدت لرده ضبطیه چه کفالتله ربط ایدلمرینه و امانتده موجود اشیا نك دخی صاحب لرینه تسلیم نه اسکدارده پاشا لمانسنه ساکن عثمان اغانک بقال بنا یوطی ضرب ایدلمکدن تین ایتکلر بر هفته حبسنه طوغانچیلرده حسین بک خاندنه ساکن آرابه‌چی صالحک فاطمه قادینی ضرب ایدلمکدن تحقیق ایتدیکدن بر هفته حبسنه

ارن کوبنده ساکن رنجبر اصنافدن رجب بن حسنک بیلنجی عارف اغانی جرح ایدلمکدن اکلاشلدیفندن بر هفته حبسنه

قاضی قریه سنده ساکن ترزی چراغی یوانک پولیس امره افندی بی ضرب ایدلمکدن ثابت اولدیفندن اون کون حبسنه

اسکدارده مضاربیه ایدن قصاب حسین اغانک اون کون حبسنه و باغچی سلیمان افندین بر مجیدی آلتونی آله رق حسین آغایه اعطاسنه بک اوغلنده قیل بروننده مقیم بی بی بی ضرب ایدن چاوش علی اغانک اون بش کون حبسنه بالقچی سحاق ولد آبراهامک قالیونچی قوللغنده دره جک زقاغنده برخانه ده مقیم آرمناک ولد مغیردیچی بیجاقله جرح ایتدیک ثابت اولمغه ایکی ماه حبسنه و یوز سکسان غروش مصارف جراحیه نك کندوسندن بالتحصیل مجروح مرقومه اعطاسنه

پولیس کوستجملی محمود افندی به تشهر سلاح ایدن بالق بازارنده صادق افندینک بقالیبه دکاننده خدمتکار حافظ حسین افندینک یکریمی کون حبسنه مضاربیه ایتدیکری بیان اولنان توتونچی علی اصغر و کراسته‌چی اوخانس ولد روپنک بر هفته حبس لرینه یکدیگرینی ضرب ایدن قوندیره‌چی چراغی مساق ولد اوسکیانک اون کون و قهوه‌چی بغوصک بر هفته حبس لرینه

بلاطده سودچی خرسو ولد یورکی بی ضرب ایتدیکری ادعا اولنان پولیس اسعد و بلاط بلدی به چاوشلرندن کردلی محمد امین و کنگرلی حسین و باش چاوش شاکر افندیلرک یکریمشیر کون حبس لرینه اوطا قیلرده ناشچی محله سنده سودچی دیمتری بی ضرب ایدن احمد بیک بر هفته حبسنه

پارس قره‌دی لیونه باقمه‌سی طرفندن در سعادت شعبه سنه تسلیم اولنق اوزره فرانسه پوست سیله ارسال اولنان رنجتم شرکتی تحویلاتی سرقت ایدلمکدن ادعا سیله معظون اولان خاصکی ده زندان زقاغنده نو

مروزر خانه ده ساکن غالب افندینک بر سنه حبسیله ضابطه‌چه کفالت آلتنه آلمسنه و بواک یاتاقلی ایدن لیغورک دخی درت آئی حبسنه و مسروق تحویلات

بدلی بولنان اون اوج بیک ایکیوز آلتش بر فراقی طقسان بش ساتیمک مرقومادن تحصیله

زاندازه بولک امینی توفیق افندینک عثمان افندی بی ضرب ایدلمکدن تحقیق ایتدیکدن اون کون حبسنه قاضی قریه سنده یل دکرماننده اقامتله اوتده بروده خدمتجیلک ایتدیکدن سولیمان اسرائیل ولد میشونک باصمه‌چی ایساقک طوقومه لرینی سرقت ایدلمکدن تحقیق ایتدیکدن اوج آئی حبسنه و ختام مدنده ضبطیه‌چه کفالت آلتنه آلمسنه

اداره مخصوصه واپورلرنده قاروتلی ایدن حسن اغا ایله آرابه‌چی علقونک و بولغورلیده ساکن رنجبر علی ایله قهوه‌چی حق و مهران واستپانک مضاربیه ایدلمکدن تین ایتکلر بر هفته حبس لرینه قوزغنجقده ساکن تنکچی دانیک اجرای مأ

موریت حالنده پولیس عمر افندی بی ضرب ایدلمکدن ثابت اولدیفندن آئی ای حبسنه اسکدارده نوح قیوسنده ساکن حال کیغلی حسینک مصطفی اغانک چاملیجه‌ده کی باغسندن ایدک سرقت ایدلمکدن تین ایتدیکدن یکریمی درت ساعت حبسنه

اسکدارده مقیم قهوه‌چی ارضروملی محمدک بر زربنی عاطف و عزیز اغالره پولیس عمر افندی بی اجرای مأموریت حالنده ضرب ایدلمکدن ثابت اولدیفندن آئی ای حبسنه

صحرای جدیدده قلا نیچی چراغی غاوریل ولد قسطنینک اوسته‌سی یانینک اون بش مجیدی‌سی سرقت ایدلمکدن اکلاشلدیفندن آئی ای حبسنه

یکدیگرینی ضرب ایدن اسکدارده احسانیه محله سنه ساکن آرابه‌چی محمد اغانک بر هفته وارنبود جمال اغادن دخی بر مجیدی آلتونی آله رق مضروب محمد اغایه ویرلمسنه

مضاربیه ایتدیکری ادعا اولنان اسکدارده چفتلک غازیونسنده بیتوت ایدن کوفه‌چی کیغلی اسماعیل ایله تحفجی صواشک اوزر کون و خورخورده سبزواتیچی چراغی تئودوس و باصمه‌چی ارمناقک بر هفته حبس لرینه

قورغه‌لی درده ساکن حال قدرینک بوغچه حمالی شکری بی ضرب ایدلمکدن تحقیق ایتدیکدن بر هفته حبسنه

غزنه موزعی موقوف لاز محمدک موزع علی بی ضرب و جرح ایتدیکدن ثابت اولدیفندن درت ماه حبسنه

قاضی قریه سنده حسین بن صالحک قهوه‌چی سرکری ضرب و جرح ایدلمکدن ثابت اولدیفندن اون کون حبسنه

قطار جیلرده ساکن قیصریه لی عمری ضرب
وجرح ایدن اسکچی قیصریه لی حاجی محمدک برهفته
حبسنه

فاتحده صره قهوه لرده بتوت ایدن جلب حاجی
رستمی ضرب ایدن خرپوطلی درویش احمددن بر
آلتون آلهرق مضروبہ اعطاسنه
باب عالی جوارنده سپتجی زقاغنده ساکنه
نیکده لی فوطینی و آهیل نام قادیلرک یکدیگری ضرب
ایتدکلی تحققی ایتدیکندن بر هفتہ حبسلرینه
داود پاشا اسکله سنده قصاب الیاس محله سنده
ساکن کوفه جی حسن اغای ضرب ایدن محل
مذکورده ساکن مناو حسینک حرکتی ثابت اولدیغندن
کندیسندن بر آلتون آلهرق مضروبہ اعطاسنه
کتبه دن علی واحد افندینک واسیلاکی ایله ولو
ارکری بی ضرب ایتدیکی اکلاشلدیغندن اون کون
حبسنه

آرنبود کونینده پالاس زقاغنده یدی نومرو لی
خانه ده ساکن ساعتجی یکریمی بش یاشنده یونانی
استفان ولد استلیونک دولاب دره مرکزنده مستخدم
پولیس ابراهیم افندینک ساعتی تعمیر ایتمک اوزره
آلدینی حالد کتم ایتدیکی ثابت اولدیغندن ایکی ماه
حبسنه وساعت بدلی اولان سکسان غروشک مرقو-
مدن بالتحصیل مدعی به اعطاسنه ومدعا به ساعتک
قیمت حقیقیسنک ربی اولان یکریمی یدی بچق
غروشک دخی جزای تقدی اوله رق مرقومدن
اخذینه

فاتحده حافظ پاشا محله سنده یکی چشمه زقاغنده
ساکن یوک آرابه جیبی فلبه بازار جقلی حسنی ضرب
ایدن سرکه جیده یوک آرابه جیلری دکنکجیسی حاجی
خلیل اغادن بر آلتون آلهرق مضروبہ اعطاسنه
شهرزاده باشنده امین نورالدین محله سنده ساکنه
خدیجه خانمه اطاله لسان وخدمتجیسی خدیجه بی
ضرب ایدن سراجخانه باشنده مناو حسنی بن حاجی
سلیمانک برماه حبسنه

صامیه ده قهوه جی اغوی ضرب ایلدیکی ادعا قلنان
سمسار کر قور ولد سرکزدن بر آلتون آلهرق
مضروبہ اعطاسنه

غازوز فابریقه جیبی لئون شورک علامت فارقه سنی
نقلید ایلدکلی ادعاسیله مظنون اولان غازوزجی
علکساندیروس ایله صوا ومصرلی اوغلی برادرلر
وقسطی خرسودن علامت فارقه نظامنامه سنک اون
دردنجی ماده سی موجبجه ایکیشیر لیرا جزای تقدی
اخذینه درسعادت وبک اوغلی واسکدار بدایت محکمه لری
جزا دائره لرنبه حکم اولمشدر.

مُعَامَلَاتُ بَانْتَبَاهِيَّة

صاروخان سنجانی بدایت محکمه سی جزا
دائرة سی رئیس سابق حامی افندینک مواد معینه ده
وظائف مأمووره سی سوء استعمال ایلدیکنه دائر وقوع
بولان شکایت اوزرینه اجرا قلنان تحقیقاتی حاوی
اوراق انجمن انتخابجه لدی التدقیق مواد مذکورده دن
طولانی مومی الیهک محاکمه آلتنه آلمسنه قرار
ویریلرک اجرای ایجابی ضمننده آیدن ولایتی
استیناف محکمه سی مدعی عمومیلکنه تبلیغات مقتضیه
اجرا اولمشدر .

اِعْلَانَات

تجارت بحریه محکمه سنده :

مارپوشچیلرده عبودافندی خاننده اجرای تجارت
ایدر ایکن افلاسنه قرار ویرلمش اولان بویاجی اوغلی
برادرلر شرکتی ذمتنده آلاجغنی اثبات وموقتاً قبول
وقید ایتدیرمش اولان آلاجقیلرک قانوننامه تجارتک
ایکیوز اون برنجی و آنی ولی ایدن ماده سی موجبجه
مفلس مرقوم طرفندن تکلیف اولنه جق قوتقوردا-
تونک مذاکره سیچون اشبو کانون اولک یکریمی دردنجی
بازار ایرتسی کونی ساعت یدی راده لرنده محکمه
تجارت بحریه نک افلاسه مخصوص اوطه سنه کلری
اعلان اولنور .

استانبولده حاجوپلو خاننده ساکن مفلس
حسنجیان قومانیه سی ذمتنده آلاجغنی اثبات ویا
موقتاً قبول وقید ایتدیرمش اولان آلاجقیلرک
قانوننامه تجارتک ۲۱۱ نجی و آنی ولی ایدن ماده سی
موجبجه مفلس مرقوم طرفندن تکلیف اولنه جق
قوتقوردا تونک مذاکره سیچون اشبو ۳۱۷ سنه سی
کانون اولنک ۲۶ نجی چهارشنبه کونی ساعت یدی
بچق راده لرنده محکمه تجارت بحریه نک افلاسه مخصوص
اوطه سنه کلری اعلان اولنور .

روژ قومیسر
استانبولده کاغد تجارتدن محمدراغب افندینک ۱۸
کانون اول سنه ۳۱۷ تاریخندن اعتباراً اعلان افلاسنه
ومصالح افلاسیه نک رؤیت وتسویه سی ضمننده اعضای
محکمه دن سعادتو جلال الدین بکک ژور قومیسر ودعوی
وکیلرندن ترزیان یوزانت وحسن افندیلرک موقت
سندیک تعینلرینه ومغازه سیله اشای زائده بیتیه سنک
تمهیرینه واوراق ودفاترینک جلبنه ومعاملات متعاقبه

قانونیه نک ایفاسنه وبوابده کی قرارک موقتاً اجراسنه
محکمه تجارت بحریه جه قرار ویرلمش اولدیغندن قانوننامه
تجارتک ۱۷۰ نجی ماده سی موجبجه دائمی سندیکلر
انتخاب اولنق اوزره اشبو ۱۳۱۷ سنه سی کانون نایسنک
ایکنجی چهارشنبه کونی ساعت یدی راده لرنده احباب
مطلوبک محکمه مذکورده نک افلاسه مخصوص اولان
اوطه سنه کلری اعلان اولنور .

بک اوغلنده پراپالاس اوتلی قارشوسنده اجرای
تجارت ایدن مفلس مؤئیز غرمون اولادلرینک تحقیق دیون
معاملاتنه ابتدار اولنه جغندن مرقوم ذمتنده اله جفی
اولانلرک اوراق مثبته لرینی حامل اولدقلری حالده
اشبو بیک اوچیوز اون یدی سنه سی کانون نایسنک
سکزننجی صالی ، طقوزنجی چهارشنبه واوننجی پنجشنبه
کونلری ساعت آلتیدن طقوزه قدر تجارت بحریه
محکمه سنک مصالح افلاسیه اوطه سنه بالذات ویا بالوکاله
مراجعت ایدرک اله جقلرینی تحقیق دیون دفرینه قید
ایتدیرملری لازم کله جکی وایام مذکورده ظرفنده
مراجعت ایتیانلر حقنده تجارت قانوننک ۲۱۰ نجی
ماده سی احکامنک موقع اجرایه قونیه جفی اعلان
اولنور .

اعلامات نظامیه اجرا دائره سنده :

فاطمه پرنیال خانمک بااعلام نسیم بارناطان
افندی ذمتنده محکومه آلاجغنی اولان مبالغک تأمین
استیفاسی ایچون مدیونک بالرضا فروخته موافقت
ایدوب حجز آلتنه آلدیریلان قوری چشمه ده قیر
جاده سنده واقع اون واون درت نومرولرله مرقم
ایکی باب خانه ومشماتاتی واون ایکی واون سکز
نومرولرله مرقم ایکی قطعه کرچ اوجاقلریله مشتملاتی
والتی نومرولی باراقه ومشماتاتنک تمامی ایله سکز
نومرولی ترلا ومشماتاتنک سکز حصه اعتباریله
بش حصه سی وغلطه ده یکی جامع شریف محله سنده
قورشونلی خانه اوست قاتده اون بر و آلت قاتده
اون بش نومرولرله مرقم ایکی باب مغازه نک تمامی
و آلت قاتده یکریمی اوچ ویکریمی بش ویکریمی یدی
واوتوز واوتوز بر نومرولرله مرقم مغازه لرک آلتشر
حصه اعتباریله یدیشر بچق سهم حصه لرینک تاریخ
اعلاندن اعتباراً اون بش کون صکره بالمزایده فروخته
تشبث اولنه جفی درسعادت اعلامات نظامیه اجرا
دائرة سندن اعلان اولنور .